

estas operacións. O importe que se vai asignar será dun quinto da diferenza cando resten cinco anos, un cuarto cando resten catro anos, un terzo cando resten tres anos, a metade cando resten dous anos e a totalidade cando reste un ano.

g) As plusvalías, a rendibilidade por dividendos, a venda dos dereitos de subscripción e calquera outro rendemento xerado pola carteira que, se é o caso, se materialice asignaranse unicamente a estas operacións.

h) Se durante o exercicio económico a diferenza entre as plusvalías e as minusvalías derivadas do alleamento de títulos de renda variable for negativa, a entidade deberá asignar polo devandito importe novos activos a estas operacións, de entre os pertencentes a algunha das categorías a que se refire o artigo 2.2.

i) Para os efectos da verificación do cumprimento dos requisitos contidos no punto 1, non se computarán os pasivos que se pretendan cubrir con renda variable.

j) No caso de se producir exceso na cobertura das provisións técnicas atribuídas a estas operacións de seguro, non se poderá computar o devandito exceso para a cobertura doutras provisións técnicas.

3. Polo menos ao final de cada trimestre natural verifícaranse os requisitos enumerados anteriormente, e procederase, de ser o caso, á adecuación dos activos e pasivos, do que quedará constancia no libro de investimentos. De se incumprir algún dos requisitos, a entidade indicará no dito libro, con especificación das actuacións oportunas para a súa reparación. Tanto a verificación como a indicación do seu resultado no libro de investimentos deberán estar completadas transcorridos tres meses desde o final de cada trimestre natural. Se despois doutros tres meses continuar sen se reparar o incumprimento posto de manifesto, resultará aplicable o disposto no artigo 33.4 do Regulamento de ordenación e supervisión dos seguros privados, agás que se xustifiquen axeitadamente ante a Dirección Xeral de Seguros e Fondos de Pensións as medidas que se van adoptar. Malia o anterior, en relación coas duracións financeiras, estas axustaranse, como mínimo, cada dúas revisións trimestrais.

4. O tipo de xuro que se aplicará no cálculo da provisión matemática obterase a través das seguintes fases:

a) Determinarase o valor actual dos activos actualizando os seus fluxos ao tipo de xuro que resulte de multiplicar a súa taxa interna de rendibilidade deducida do seu prezo de adquisición, polas seguintes porcentaxes: 93, 90 e 87 por 100, segundo os valores pertencen aos grupos 1 a 3 de entre os enumerados no artigo 17. No caso das participacións en fondos de investimento, incluídas as equiparables á tesouraría, aplicaranse as porcentaxes correspondentes á cualificación crediticia da entidade xestora ou, no seu defecto, o 87 por 100. No caso de activos financeiros estruturados non negociables aplicaranse as porcentaxes que correspondan á cualificación crediticia da estrutura ou, no seu defecto, á cualificación crediticia media que corresponda aos colaterais e ás permutas de fluxos certos ou predeterminados realizadas con entidades financeiras. A Dirección Xeral de Seguros e Fondos de Pensións establecerá por resolución a sistemática e o modo de aproximar a cualificación crediticia media.

Para os efectos anteriores, á rendibilidade asignada aos valores de renda variable de conformidade co punto 2 aplicaráselle en todo caso o 93 por 100. Esta mesma porcentaxe tamén se aplicará ás participacións en institucións de investimento colectivo recollidas no punto 6.

b) O tipo de xuro que se utilizará no cálculo da provisión matemática será a taxa interna de rendibilidade implícita resultante de comparar os valores actuais determinados conforme a alínea anterior cos cobramentos procedentes dos valores en carteira, considerando como

procedentes da renda variable os correspondentes á rendibilidade atribuída a ela.

5. Así mesmo, será aplicable neste caso o disposto no artigo 2 desta orde en relación co valor contable dos activos afectos, unicamente no caso dos valores de renda fixa. Para os de renda variable computarase para os efectos de cobertura o seu prezo de adquisición máis a rendibilidade atribuída neta dos dividendos percibidos.

6. As referencias feitas nos puntos anteriores á renda variable deben entenderse tamén realizadas ás accións e participacións en institucións de investimento colectivo de carácter financeiro que garantan o seu reembolso diariamente e aos fondos de investimento cotizados.

7. A Dirección Xeral de Seguros e Fondos de Pensións poderá desenvolver mediante resolución as particularidades operativas e as obrigas de información das operacións a que se refire este artigo».

Disposición derogatoria única. *Derrogación normativa.*

Quedan derogadas cantas disposicións de igual ou inferior rango se opoñan ao establecido nesta orde.

Disposición derradeira única. *Entrada en vigor.*

Esta orde entrará en vigor o 31 de decembro de 2008.

Madrid, 18 de novembro de 2008.—O vicepresidente segundo do Goberno e ministro de Economía e Facenda, Pedro Solbes Mira.

## XEFATURA DO ESTADO

**20149** *REAL DECRETO LEI 10/2008, do 12 de decembro, polo que se adoptan medidas financeiras para a mellora da liquidez das pequenas e medianas empresas, e outras medidas económicas complementarias.* («BOE» 300, do 13-12-2008, e «BOE» 304, do 18-12-2008.)

Nos últimos meses veuse deteriorando profundamente a situación dos mercados financeiros internacionais, co conseguinte impacto negativo sobre a actividade económica real e sobre a confianza dos axentes económicos. Unha das consecuencias máis destacables da crise financeira é a diminución da capacidade das entidades financeiras para captaren recursos nos mercados de capitais. A incerteza sobre os riscos de crédito e contrapartida distorsionou o bo funcionamento dos mercados, dificultando a captación de recursos por parte das entidades financeiras e, en último termo, o financiamento a empresas e familias.

Aínda que as entidades de crédito españolas se atopan nunha posición sólida, non son inmunes á situación dos mercados financeiros internacionais, o que está a provocar importantes restricións no acceso ao crédito para empresas e familias. En particular, a actividade das empresas está vinculada á dispoñibilidade de crédito suficiente no mercado, tanto para atender os seus proxectos de investimento como os seus gastos operativos, o que ten importantes implicacións para a actividade económica, tanto a curto prazo como para o potencial de crecemento a medio e longo prazo.

Ante as circunstancias extraordinarias que se están a producir nos mercados financeiros, os gobernos europeos e, en particular, o Goberno español viñeron adoptando un conxunto de medidas excepcionais cuxo obxectivo último é permitir que os fluxos de crédito poidan

chegar con normalidade a familias e empresas, de forma que as decisións de consumo, aforro e investimento poidan adoptarse nun contorno axeitado. A situación actual dos mercados financeiros e a restrición do financiamento a pequenas e medianas empresas conduciron a unha situación realmente extraordinaria e á necesidade de corrixir os seus efectos de maneira urxente.

Neste contexto, o Goberno español considerou indispensable aprobar unha nova liña de mediación do Instituto de Crédito Oficial para atender as necesidades de financiamento de capital circulante daquelas pequenas e medianas empresas que, sendo solventes e viables, estean sometidas a unha situación de forte restrición de crédito. A dotación desta liña ascende a dez mil millóns de euros, dos cales a metade será achegada polas entidades de crédito e a outra metade polo Instituto de Crédito Oficial.

Para que o Instituto de Crédito Oficial poida xestionar esta liña, este real decreto lei recolle as previsións legais necesarias para que se poida proceder a articular un crédito do Tesouro ao Instituto de Crédito Oficial por importe de cinco mil millóns de euros, e para a concesión dun crédito extraordinario co obxecto de facer fronte orzamentariamente ao devandito crédito. Por tanto, para dar cumprimento ao disposto neste real decreto lei, resulta necesario conceder un crédito extraordinario ao orzamento en vigor do exercicio 2008 para atender os pagamentos da liña de mediación ICO-LIQUIDEZ, por importe de 5.000 millóns de euros.

Así mesmo, polas necesidades de financiamento das novas liñas de financiamento previstas, o límite de endebedamento que se preveza para o Instituto de Crédito Oficial para 2009 deberase incrementar nunha contía adicional de ata 15.000 millóns de euros.

Este real decreto lei aborda outras medidas complementarias que afectan o ordenamento xurídico mercantil. Así, a norma dita cunha vixencia temporal limitada un réxime excepcional para as reducións obrigatorias de capital e as disolucións de sociedades anónimas e de responsabilidade limitada como consecuencia de perdas. A recente evolución da actividade económica internacional sitúanos nun contexto excepcional. As perdas por deterioración, conxuntamente significativas en determinadas compañías, ao incorporarse á conta de perdas e ganancias deberían computar os efectos do cálculo da perda do patrimonio neto nos supostos sinalados de redución de capital e disolución. Por esta razón suspéndese, cunha vixencia temporal de dous anos e unicamente para os casos de perdas por deterioración do inmovilizado material, dos investimentos inmobiliarios e das existencias, o réxime societario aplicable, sen que isto supoña, polo demais, alteración do correspondente réxime contable.

Outra das modificacións do ordenamento mercantil que incorpora este real decreto lei refírese ao artigo 36, punto 1, alínea c), do Código de comercio, que ten como finalidade definir a eficacia mercantil das variacións de valor nos instrumentos utilizados nas operacións de cobertura de fluxos de efectivo, recoñecidas en contabilidade, excluindo as citadas variacións do patrimonio neto para os efectos de redución de capital, distribución de beneficios e causa de disolución.

A urxencia da aprobación desta norma deriva da actual situación económica, que motiva a adopción dunha serie de medidas legais como a que se emprende por medio desta norma, coa súa necesaria e pronta implantación co obxecto de minorar as consecuencias daquela situación, sen que a súa aprobación deba ser demorada por un ordinario procedemento de tramitación lexislativa.

Na súa virtude, facendo uso da autorización contida no artigo 86 da Constitución, por proposta do vicepresidente segundo do Goberno e ministro de Economía e

Facenda e do ministro de Xustiza, e logo de deliberación do Consello de Ministros na súa reunión do día 12 de decembro de 2008,

## DISPONGO:

### Artigo 1. *Concesión de crédito.*

Autorízase a concesión dun crédito pola Administración xeral do Estado ao Instituto de Crédito Oficial por un importe máximo de cinco mil millóns de euros, cuxa finalidade será a creación e posta en marcha dunha nova liña de mediación do Instituto de Crédito Oficial para atender as necesidades de financiamento de capital circulante das pequenas e medianas empresas que, sendo solventes e viables, estean sometidas a unha situación transitoria de restrición de crédito.

### Artigo 2. *Condições financeiras do crédito.*

O Ministerio de Economía e Facenda, a través da Dirección Xeral do Tesouro e Política Financeira, e o Instituto de Crédito Oficial procederán ao asinamento dun convenio de colaboración onde se determinarán as condicións financeiras do crédito a que se refire o artigo 1 deste real decreto lei.

### Artigo 3. *Límite orzamentario de endebedamento do Instituto de Crédito Oficial.*

O límite de endebedamento para o Instituto de Crédito Oficial que resulte da Lei de orzamentos xerais do Estado para o ano 2009 verase incrementado adicionalmente no importe de 15.000 millóns de euros.

### Artigo 4. *Crédito extraordinario.*

1. Para dar cumprimento ao disposto no artigo 1 deste real decreto lei concédese un crédito extraordinario ao orzamento en vigor da sección 15, «Ministerio de Economía e Facenda», servizo 16, «Secretaría de Estado de Economía», programa 931M, «Previsión e política económica», concepto 822, «Préstamo ao Instituto de Crédito Oficial para financiamento da liña ICO-LIQUIDEZ», por importe de 5.000 millóns de euros.

2. O crédito extraordinario que se concede no parágrafo anterior financiarase con débeda pública.

Disposición adicional única. *Cómputo de perdas nos supostos de redución obrigatoria de capital social na sociedade anónima e de disolución nas sociedades anónimas e de responsabilidade limitada.*

1. Para os únicos efectos da determinación das perdas para a redución obrigatoria de capital regulada no segundo parágrafo do artigo 163.1 do texto refundido da Lei de sociedades anónimas, aprobado polo Real decreto lexislativo 1564/1989, do 22 de decembro, e para a disolución prevista nos artigos 260.1.4.º do citado texto refundido da Lei de sociedades anónimas e 104.1.e) da Lei 2/1995, do 23 de marzo, de sociedades de responsabilidade limitada, non se computarán as perdas por deterioración recoñecidas nas contas anuais, derivadas do inmovilizado material, os investimentos inmobiliarios e as existencias.

2. O disposto no punto anterior unicamente será de aplicación excepcional nos dous exercicios sociais que se pechen a partir da entrada en vigor desta disposición.

Disposición derogatoria única. *Derrogación normativa.*

Quedan derogadas cantas disposicións se opoñan ao establecido neste real decreto lei.

Disposición derradeira primeira. *Modificación do Código de comercio.*

Modifícase o artigo 36, punto 1, alínea c), do Código de comercio, que queda redactado como segue:

«Patrimonio neto: constitúe a parte residual dos activos da empresa, unha vez deducidos todos os seus pasivos. Inclúe as achegas realizadas, xa sexa no momento da súa constitución ou noutros posteriores, polos seus socios ou propietarios, que non teñan a consideración de pasivos, así como os resultados acumulados ou outras variacións que o afecten.

Para os efectos da distribución de beneficios, da redución obrigatoria de capital social e da disolución obrigatoria por perdas de acordo co disposto na regulación legal das sociedades anónimas e sociedades de responsabilidade limitada, considerárase patrimonio neto o importe que se cualifique como tal conforme os criterios para confeccionar as contas anuais, incrementado no importe do capital social suscrito non exixido, así como no importe do nominal e das primas de emisión ou asunción do capital social suscrito que estea rexistrado contablemente como pasivo. Tamén para os citados efectos, os axustes por cambios de valor orixinados en operacións de cobertura de fluxos de efectivo pendentes de imputar á conta de perdas e ganancias non se considerarán patrimonio neto.»

Disposición derradeira segunda. *Entrada en vigor.*

Este real decreto lei entrará en vigor o mesmo día da súa publicación no «Boletín Oficial del Estado».

Dado en Madrid o 12 de decembro de 2008.

JUAN CARLOS R.

A presidenta do Goberno en funcións,  
MARÍA TERESA FERNÁNDEZ DE LA VEGA SANZ

(Este real decreto lei inclúese tendo en conta a corrección de erros publicada no BOE núm. 304, do 18-12-2008.)

## MINISTERIO DE ECONOMÍA E FACENDA

**20392** REAL DECRETO 2059/2008, do 12 de decembro, sobre o réxime de ingreso no Tesouro Público dos beneficios do Banco de España. («BOE» 303, do 17-12-2008.)

O inicio da terceira fase da Unión Económica e Monetaria presentou a necesidade de definir un sistema de repartición da renda monetaria xerada polos bancos centrais nacionais. Os estatutos do Sistema Europeo de Bancos Centrais e do Banco Central Europeo estableceron os principios básicos que debían rexer o dito sistema, principios modulados a través dunha serie de decisións do Consello de Goberno do Banco Central Europeo, a última das cales, do 6 de decembro de 2001, establece un período transitorio de repartición que se estende ata o exercicio de 2007.

Malia o réxime de ingreso no Tesouro Público dos beneficios do Banco de España establecer as normas aplicables a tales ingresos con independencia dun ou doutro

sistema de repartición da renda monetaria, razóns de prudencia aconsellaron que o Real decreto 1198/2005, do 10 de outubro, sobre o réxime de ingreso no Tesouro Público dos beneficios do Banco de España, establecese un período de vixencia temporal coincidente co da decisión do Banco Central Europeo.

Esgotado ese período, resulta preciso levar a cabo os cambios oportunos para adecuar á nova situación o réxime de ingreso no Tesouro dos beneficios do Banco de España. Para iso, este real decreto establece dúas únicas modificacións en relación co réxime previsto no Real decreto 1198/2005, do 10 de outubro.

En primeiro lugar e por razóns operativas, modifícase a data do primeiro ingreso do 70 por 100 dos beneficios xerados e contabilizados ata o 30 de setembro de cada ano. Desde agora ese ingreso deberase efectuar o primeiro día hábil do mes de decembro, en lugar do primeiro de novembro. Complétase deste modo o proceso de mellora operativa iniciado polo Real decreto 1198/2005, do 10 de outubro, que atrasou a data do segundo ingreso do mes de febreiro ao de marzo.

En segundo lugar, toda vez que o réxime transitorio establecido polas disposicións do Banco Central Europeo concluíu, as razóns de vixencia limitada do réxime desaparecieron. Xa que logo, este real decreto, a diferenza do anterior, non establece un período de vixencia limitada, tal e como veu sendo costume desde 1999, algo que resulta aconsellable para dotar de maior seguranza xurídica e permanencia o réxime de ingreso no Tesouro dos beneficios do Banco de España.

Este real decreto dítase en exercicio da habilitación contida na disposición derradeira segunda da Lei 12/1998, do 28 de abril, pola que se modifica a Lei 13/1994, do 1 de xuño, de autonomía do Banco de España.

Na súa virtude, por proposta do ministro de Economía e Facenda, de acordo co Consello de Estado e logo de deliberación do Consello de Ministros na súa reunión do día 12 de decembro de 2008,

### DISPÕO :

#### Artigo 1. *Ingreso no Tesouro Público.*

1. O Banco de España ingresará no Tesouro Público os beneficios xerados e contabilizados nas súas contas que sexan imputables a este, nas seguintes datas e porcentaxes:

a) O primeiro día hábil do mes de decembro de cada ano, o 70 por cento dos beneficios xerados e contabilizados ata o 30 de setembro do dito ano. O acordo de ingreso deberá ter en conta a evolución previsible dos resultados ata o final do exercicio.

b) O primeiro día hábil do mes de marzo seguinte, o 90 por cento dos beneficios xerados e contabilizados ata o 31 de decembro do ano anterior, descontado o ingreso mencionado no parágrafo anterior.

Estes ingresos serán acordados polo Consello de Goberno do Banco de España, logo de aprobación das correspondentes contas de resultados, e iso sen prexuízo do establecido no punto 2. Os ditos acordos terán en conta as posibles obrigas do Banco de España fronte ao Sistema Europeo de Bancos Centrais.

2. O Consello de Ministros, por proposta do Banco de España dirixida ao ministro de Economía e Facenda, poderá autorizar a exclusión de determinados beneficios do réxime de ingreso no Tesouro Público previsto nas letras a) e b) do punto anterior.

3. Unha vez que foren aprobadas polo Consello de Ministros, por proposta do ministro de Economía e Facenda, as contas anuais do Banco de España e por proposta de distribución de beneficios formuladas polo Consello de Goberno, o Banco de España ingresará no